



ასპინძის

სახელოები

ასპინძის მუნიციპალიტეტი * ნოემბერი. 2020 * (9)66

ძვიროვსლო სსპინძელოებო, გილოოცავთ გილოოვობის ზონწყინვსლოქ ილოქსსსწყოს!



23 ნოემბერს მართლმადიდებელი ეკლესია წმინდა დიდმონაღმ გიორგის ხსენების დღეს აღნიშნავს. გიორგობა წელიწადში ორჯერ აღინიშნება, 6 მაისს ეკლესია წმინდანის აღსრულების დღეს აღნიშნავს, 23 ნოემბერს კი – ბორბალზე წამების დღეს. გიორგობა მხოლოდ საქართველოში აღინიშნება ორჯერ.

ძველი დროიდანვე საქართველოს, წმინდა გიორგის ქვეყანას, „გიორგიას“ უწოდებდნენ. საქართველოს კა-

თალიკოს პატრიარქის, კირიონის ცნობით, წმინდანი კაბადოკიელი მესხი იყო, დიდებული ოჯახის შვილი, რომელიც რომის ლაშქარში მსახურობდა და თავისი სიმამაცით იმპერატორ დიოკლეტიანეს ყურადღება მიუპყრო. მალე მისი პირადი მცველი და შემდეგ მისი მხედართმთავარი გამხდარა. გიორგიმ მეფის წინაშე კერპთაყვანისმცემლობა დაგმო და ქრისტიანობა იქადაგა. დიოკლეტიანემ, როცა მისი გადაბირება ვერ შეძლო, მუცლის ლახვრით განგმირვა ბრძანა. ლახვარი წმინდანის ხორცის შუხებისას სანთელივით მოიდრიკა. ამის შემდეგ დიოკლეტიანემ წმინდა გიორგი ურმის თვალზე დააკვრევინა, დაღმართზე კი მახვილები დააგებინა, რის შედეგადაც მონაღმის სხეული მრავალ წაწილად დაიჭრა. თუმცა ღმერთის ანგელოზის გარდამოსვლით იგი მეყსეულად განიკურნა.

ამ სასწაულმა მრავალი მოაქცია ქრისტეს რჯულზე. ქრისტიანობა მეფის მეუღლე ალექსანდრიაშაც ირწმუნა და დიოკლეტიანეს წინაშე უშიშრად აღიარა ჭეშმარიტი ღმერთი. მეფემ წმინდა გიორგისა და ალექსანდრია დედოფლის სიკვდილით დასჯა ბრძანა. წმინდა გიორგის თავი მოჰკვეთეს, ხოლო ალექსანდრიამ ლოცვის შემდეგ უმახვილოდ განუტევა სული.

დიდ წმინდანს, წმინდა გიორგის, არა მარტო მართლმადიდებლები, არამედ სხვა აღმსარებლობის მორწმუნეები აღიარებენ.

საქართველოში წმინდანის სახელზე ქვეყნის ყველა კუთხეში არაერთი სალოცავი შენდებოდა და შენდება.

სავარაუდოა, რომ პირველი ტაძარი წმინდანის სახელზე, ბოდბეში, წმინდა ნინოს თაოსნობით, აიგო (ბოდბის მონასტრის მთავარი ტაძარი წმინდა გიორგის სახელობისა).

წმინდა გიორგი მხედართა, მინისმოქმედთა, მწყემსთა და მოგზაურთა მფარველად ითვლება. ასევე მას ევედრებიან დემონური ძალებისაგან გამოსხნას. წმინდა გიორგი ქართველთა მფარველად ითვლება, უფლის განგებით, ქართველთა მფარველობა მას დააკისრა. სწორედ ამიტომ, წმინდა გიორგის იკოსს დაემატა მუხლი: „გახაროდენ, უძლეველო წინამბრძოლო ქართველთა ერისაო და მფარველო ჩუენისა ეკლესიისაო“.

ქრისტიანული სამყარო 23 ნოემბერს გიორგობას აღნიშნავს. მორწმუნეები დღესასწაულს ტაძრებში საზეიმო წირვით აღვნიშნავენ. წმინდა გიორგის განსაკუთრებით ვსასოებთ ქართველები, იგი ძლევაშოსილი და უძლეველი ზეციური მხედარია.

დეკანოზი
მამა ზოსიმე (კაცაძე)

მუნიციპალიტეტის სახეებულში

18 ოქტომბერს გაიმართა ასპინძის მუნიციპალიტეტის საკრებულოს მორიგი დისტანციური სხდომა, სადაც განხილული იქნა დღის წესრიგით გათვალისწინებული შემდეგი საკითხი:

„ასპინძის მუნიციპალიტეტის ტერიტორიაზე საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში დასაფინანსებელი პროექტების დამტკიცების



თაობაზე“ ასპინძის მუნიციპალიტეტის საკრებულოს 2020 წლის 13 მარტის №10 12 განკარგულების დანართში ცვლილების შეტანის შესახებ.

დებუტატებმა წარმოდგენილი საკითხი ხმათა უმრავლესობით დაამტკიცეს, რის შემდეგაც საკრებულოს თავმჯდომარემ მამუკა მელიქიძემ სხდომა დახურულად გამოაცხადა.

ლოცვა წმინდა გიორგისადმი

- წმინდა გიორგი კაბადუკიისაო,
- წმინდა გიორგი იერუსალიმისაო,
- წმინდა გიორგი ბეთლემისაო,
- წმინდა გიორგი გეთსამანისაო,
- წმინდა გიორგი ეგვიპტისაო,
- წმინდა გიორგი რომისაო,
- წმინდა გიორგი გალატიისაო,
- წმინდა გიორგი თესალონიკისაო,
- წმინდა გიორგი კილიკიისაო,
- წმინდა გიორგი კესარიისაო,
- წმინდა გიორგი კორინთისაო,
- წმინდა გიორგი ოდიშისაო,
- წმინდა გიორგი აფხაზეთისაო,
- წმინდა გიორგი ჩხარისაო,
- წმინდა გიორგი ატოცისაო,
- წმინდა გიორგი უძოსაო,
- წმინდა გიორგი უსანეთისაო,
- წმინდა გიორგი კავთისაო,
- წმინდა გიორგი კორინთისაო,
- წმინდა გიორგი გორისაო,
- წმინდა გიორგი ცხინვალისაო,
- წმინდა გიორგი მუხრანისაო,
- წმინდა გიორგი დიღმისაო,
- წმინდა გიორგი ქაშოეთისაო,
- წმინდა გიორგი კალაუზნისაო,
- წმინდა გიორგი თელეთისაო,
- წმინდა გიორგი გორიჯვრისაო,
- წმინდა გიორგი მარტყოფისაო,
- წმინდა გიორგი ხაშმისაო,
- წმინდა გიორგი ნინოწმინდისაო,
- წმინდა გიორგი სავარეჯოსაო,
- წმინდა გიორგი მანავისაო,
- წმინდა გიორგი ფხოველისაო,
- წმინდა გიორგი ზიარისაო,
- წმინდა გიორგი კონდოლისაო,
- წმინდა გიორგი თელავისაო,
- წმინდა გიორგი რუისპირისაო,
- წმინდა გიორგი შილდისაო,
- წმინდა გიორგი გრემისაო,
- წმინდა გიორგი ყვარელისაო,
- წმინდა გიორგი გავაზისაო,
- წმინდა გიორგი ალავერდისაო,
- წმინდა გიორგი გურჯაანისაო,
- წმინდა გიორგი კარდანახისაო,
- წმინდა გიორგი ქიზიყისაო,
- წმინდა გიორგი მელაანისაო,

ღვთაებო, პირო ღვთისაო, სვეტო ცხოველო, კვართო საუფლოვ და ყოველწო წმინდაო, თქვენ მფარველ და მეფე ყვეენით მონასა (მხეველსა) ამას თქვენსა სახელით. ამინ!

საბავშვო ბაღებში მუშაობა განახლდა

კორონა-ვირუსის პანდემიის გამო, უდიდესი პრობლემები შეიქმნა აბსოლუტურად ყველა სფეროში, რის გამოც მსოფლიოს ყველა ქვეყანა უდიდესი პრობლემების წინაშე აღმოჩნდა, თითქოს სხვა წესრიგი დამყარდა და არავინ იცის ეს პროცესები როდის ჩადგება კალაპოტში. ერთი კი ცხადია, განსაკუთრებული პრობლემები მაინც საგანმანათლებლო სფეროს შეექმნა, რაც, უეჭველად, დიდ დაღს დაასვა მოზარდი თაობის აღზრდის საქმეს, ასევე დიდი გამოწვევების წინაშე სკოლამდელი აღზრდის დაწესებულებები.

ამა წლის მარტის თვიდან მოყოლებული, როგორც ყველგან, ასევე აქაც, დროებით იქნა შეჩერებული სამუშაო პროცესები და, აი, 12 ოქტომბერს, ამ სისტემაში კვლავ განახლდა მათი ფუნქციონირება.

კორონა-ვირუსის მეორე ეტაპის პრევენციის მიზნით საბავშვო ბაღებში მუშაობა მოქმედი რეკომენდაციებით და ახალი რეგულაციების სრული დაცვით განაგრძეს.



მერიის მხარდაჭერით მუნიციპალიტეტის მასშტაბით, სკოლამდელი აღზრდის დაწესებულებებში, რეგისტრირებული ყველა აღზრდელისთვის ინდივიდუალურად შეიძინეს სხვადასხვა მეთოდური მასალა: ელექტრო თერ-

მომეტრები, სადებიან ფეხსაცმელი ხსნარები, ნარჩენების კონტეინერები, პირბადეები, ხალათები, წყალგაუმტარი წინსაფრები, საყოფაცხოვრებო ქიმიური და სადებიან ფეხსაცმელი საშუალებები. საბავშვო ბაღებში სანიტარულ-ჰიგიენური ნორმების დაცვის მიზნით, ასევე მოეწყო დეზინფექციები, დისპენსერები, საალმზრდელი ჯგუფების მონესრიგებასთან ერთად, ასპინძის მუნიციპალიტეტის საბავშვო ბაღები უზრუნველყოფილია სახელმწიფოს მიერ დადგენილი სავალდებულო რეგულაციების შესაბამისად – აუცილებელი ინვენტარითა და საშუალებებით.

საბავშვო ბაღებში საალმზრდელი პროცესის დაწყებას აქვს ასპინძის სკოლამდელი აღზრდის დაწესებულებათა გაერთიანების დირექტორი ელისო ბექაური დაესწრო.

სოფელ რუსთავის საბავშვო ბაღში დაგეგმილი სარეაბილიტაციო სამუშაოების გამო საალმზრდელი პროცესი მოგვიანებით განახლდება.

ვეტერანთა დღე აღინიშნა



თითქმის 30 წელი გვაშორებს იმ დღიდან, რაც ქართველმა ხალხმა ნანატრი თავისუფლება მოიპოვა, თუმცა ეს გზა ურთულესი და ძნელად გასავლელი აღმოჩნდა. სამწუხაროდ, რუსეთის აგრესიული პოლიტიკის გამო ქვეყანამ არაერთი ჭეშმარიტი მამულიშვილის სისხლი გაიღო და ტერიტორიების დაკარგვის ფასად მოგვიხდა მისი მოპოვება.

საქართველოს ისტორია ხომ არასოდეს ყოფილა იავარდებით მოფენილი, მან მთელი თავისი არსებობის მანძილზე უამრავი ბრძოლა გადაიხდა და დღემდე შეინარჩუნა თავისი თვითმყოფადობა. დღევანდელი თავისუფლება, სხვებთან ერთად, ჩვენი თანამემამულეების სისხლითაა მოპოვებული, ამიტომაცაა, რომ მაღლიერი შთამომავლობა

ყოველწლიურად აღინიშნავს ამ დაუვიწყარ – ვეტერანთა დღეს.

ამა წლის 17 ოქტომბერს, ამ დღესთან დაკავშირებით, ასპინძის მუნიციპალიტეტის ადგილობრივი თვითმმართველობის წარმომადგენლები კიდევ ერთხელ შეიკრიბნენ კულტურისა და დასვენების პარკში, გაიხსენეს საქართველოს ტერიტორიული მთლიანობისათვის დაღუპული გმირები, რომლებმაც თავი შეგირეს სამშობლოს თავისუფლებას და ომში დაღუპულთა მემორიალი ცოცხალი ყვავილებით შეამკეს და წუთიერი დუმილით პატივი მიაგეს მათ ხსოვნას.

ცნობისათვის: ვეტერანთა დღე საქართველოში 2014 წლის 17 ოქტომბრიდან აღინიშნება.

გაბიონების მონყობა გძედება

უკანასკნელ ხანებში ბევრ რეგიონში გახშირდა სტიქიური უბედურებები, რამაც დიდიწილის წინაშე დააყენა ქვეყნის არაერთი მუნიციპალიტეტის მოსახლეობა. ტელევიზიის საშუალებით ხშირად გვესმის დამენყროლ ტერიტორიებზე, სანიაღვრე სისტემის მოუნესრიგებლობის შედეგად დატბორილ ქუჩებსა თუ საცხოვრებელ სახლებზე, მდინარეების კალაპოტიდან გადმოსვლის ფაქტებზე და იმ განუსაზღვრელ მატერიალურ ზარალზე, რასაც მოსახლობა ღებულობს ხოლმე.

ყოველივე ამის გათვალისწინებით, სახელმწიფო პროგრამის ფარგლებში, რამდენიმე წელია მუნიციპალიტეტში აქტიურად მიმდინარეობს წყალუხვი მდინარეების კალაპოტების მოუნესრიგების მიზნით დამცავი სისტემების – გაბიონების მონყობის სამუშაოები, რამაც შესაძლებლობა მოგვცა გადაგვეჩინა ბაღა-ბაღებისა და სავარგულების გარკვეული ნაწილი და დაგვედინა მოსალოდნელი ზარალის რაოდენობა.

ყოველივე ზემოთქმულიდან გამომდინარე რამდენიმე წელია დაიწყო და გრძელდება მდინარე ოთისის წყალზე შესაბამისი


გაბიონების მონყობის სამუშაოები. პრაქტიკულად უკვე რამდენიმე კილომეტრის მონაკვეთზე ეს სამუშაოები დასრულებულია, თუმცა ბევრი მონაკვეთი კვლავ საქიროებს შესაბამისი სამუშაოების ჩატარებას. რიგ მონაკვეთებზე ნაპირსამაგრი სამუშაოების პროცესები აქტიურ ფაზაშია შესული



დაბისა და სოფელ ოთისის ტერიტორიებზე. იმედია ამ სამუშაოების დამთავრების შემდეგ ოთისის წყალი სრულიად შეიცვლის თავის იერ-სახეს და თავიდან იქნება აცილებული მოსალოდნელი კატასტროფები.

მიმდინარე სამუშაოებს აწარმოებს ტენდერში გამარჯვებული შპს „საგზაო სამშენებლო სამმართველო N2“. სამუშაოები განსაზღვრულ ვადებში დამთავრდება.

სახშირში შიდაგზების სახეობრივად სამუშაოები



ჩვენი გაზეთის მკითხველების დიდი ნაწილი კარგადაა ინფორმირებული ყველა იმ ფაქტისა თუ მოვლენის თაობაზე, რაც მუნიციპალიტეტის სინამდვილეში ხდება. ახლა უკვე ზედმეტია იმაზე საუბარი, რომ თითქმის ყველა მიმართულებით ინტენსიური მუშაობა მიმდინარეობს, რაც იმის გარანტიაა, რომ უახლოეს მომავალში მუნიციპალიტეტის დაბაც და სოფლებიც სრულიად შეიცვლიან იერსახეს და რეგიონში ერთ-ერთი საუკეთესო ინფრასტრუქტურულად განვითარებული მუნიციპალიტეტი გვექნება. ასპინძის თავისი ისტორიული წარსულით, მატერიალურ-კულტურული ძეგლებით რომ უმნიშვნელოვანესია, ამას მტკიცება არ ჭირდება, მაგრამ


აქტიურად მიმდინარეობს

ცალკე აღებული თითქმის ყველა სოფელი თუ დასახლებული პუნქტი, ტურიზმის განვითარების თვალსაზრისით, უფრო მიმზიდველი რომ გახდეს, სახელმწიფოს მხრიდან განსაკუთრებული ყურადღების ქვეშაა.

სოფელი სარო ასპინძის მუნიციპალიტეტში ერთ-ერთი თვალსაჩინო მაგალითია იმისა, რომ თავისი მდიდარი ისტორიული, განსაკუთრებით მეგალითური ძეგლებით, ახლა უფრო აქტიურად იზიდავს ნებისმიერი კატეგორიის ადამიანებს, მათ შორის უცხოელებსაც. სწორედ ამიტომ ახლახან ინტენსიურად დაიწყო და მიმდინარეობს სოფლის შიდა გზების სამშენებლო-სარეაბილიტაციო სამუშაოები, რომელიც ითვალისწინებს სოფელში მდებარე მთავარანგელოზის ეკლესიამდე მისასვლელი გზის კეთილმოწყობას. ამავდროულად, – სოფლის სასაფლაომდე მისასვლელი გზის ასფალტო-ბეტონის საფარის დაგებას.

ამ დღეებში სამუშაოების მიმდინარეობის პროცესს ასპინძის მუნიციპალიტეტის მერი როსტომ მაგრაქველიძე, მერიის პირველი მოადგილე დავით პაპაშვილი და ადგილობრივი თვითმმართველობის სხვა წარმომადგენლები ადგილზე გაეცნენ. აღნიშნულ სამუშაოებს ტენდერში გამარჯვებული კომპანია შპს „საგზაო სამშენებლო სამმართველო N2“ აწარმოებს, რომლის სახელმძღვანელო ღირებულება 250 ათასამდე ლარს შეადგენს. მიმდინარე სამუშაოები გეგმა-გრაფიკით მიმდინარეობს.

თავკვეთულას ახალი ხიდი



ვისაც ერთხელ მაინც უნახავს ვარძიდან რამდენიმე კილომეტრში მდებარე, მტკვრის მარჯვენა მხარეს კლდეში გამოკვეთილი თავკვეთულას მონასტერი, ალბათ, დაგვეთანხმება, რომ ეს ერთ-ერთი უნიკალური ძეგლია არა

მარტო სამცხე-ჯავახეთში, არამედ მთელ საქართველოში და მისი რელიეფური მდგომარეობა უდიდეს ინტერესს იწვევს ნებისმიერ დამთვალირებელზე. ამიტომაცაა, რომ ყოველწლიურად ამ წმინდა ადგილის მოსახლეობლად, ტრადიციულად, ყოველი წლის 11 სექტემბერს, უამრავი ადამიანი მოდის, რომლებსაც – ქალსაც თუ კაცსაც, ბავშვსა თუ მოზარდებს მდინარეზე გადასვლა ფეხით უწევდათ, რაც მათ დიდ პრობლემებს უქმნიდა. ეს ძეგლი იმთავითაა საინტერესო, რომ მისი სანახავად ხშირად უცხოელებიც მოდიან და მათზე დიდ შთაბეჭდილებებს ახდენს.

უფრო შესაძლებელი რომ გახდეს მისი მონახულება და, ტურისტებისთვისაც მისაწვდომი, ასპინძის მუნიციპალიტეტის მერიის გადაწყვეტილებით დაიწყო და აქტიურად მიმდინარეობს თავკვეთულას 91 მეტრი სიგრძის საცალფეხო დაკიდული ხიდის მონყობის სამუშაოები, რომელსაც აწარმოებს შპს „ალმე“.

ნიკო გაბრიელის ძე ასათიანი

დაიბადა ასპინძის რაიონის სოფელ ძველში 1858 წელს. 1888 წელს სასულიერო სემინარიაში სწავლის დროს ებმება მოსწავლეთა არალეგალურ წრეში, სადაც გაერთიანებული იყვნენ გოლა ჩიტაძე, ფარნაოზ ფანცხავა, ბაგრატ ზედგინიძე. ამის გამო იგი სასწავლებლიდან გარიცხეს, რის შემდეგაც ბრუნდება მესხეთში და ეწევა დიდ მამულიშვილურ საქმეს – იწყებს ფოლკლორული მასალების შეგროვებას, რასაც 60 წელზე მეტი ემსახურა. კარგად ფლობდა თურქულ, სომხურ, რუსულ ენებს. იგი პირველი მეცნიერი იყო, რომელმაც ყურადღება

მაიქცია ქართველ მაჰმადიანთა თურქულ ფოლკლორს. აუარებელი მასალა ჰქონდა შეგროვილი ქართლ-კახეთში და დასავლეთ საქართველოში. 1892 წელს მის მიერ ყარსში ჩაწერილი „ამირანდარეჯანიანი“ და ახალციხეში ებრაელი ქალისაგან ჩაწერილი ხალხური „ვეფხისტყაოსანი“ სამჯერ დაიბეჭდა გაზეთებში ზაქარია ჭიჭინაძის რედაქტორობით. ასათიანი ფოლკლორული ფონდი დატოვა რუსთაველის სახელობის ლიტერატურის ინსტიტუტში, საქართველოს სახელმწიფო ისტორიისა და ახალციხის სახელმწიფო მუზეუმებში. მას დაწერილი აქვს თხზულება „დეილა“, რომელიც ეხება სამცხის ათაბაგთა ცხოვრებასა და მოგვითხრობს მათ ტრაგიკულ დასასრულს. 1902 წელს დაწერილი მისი „მუშა ჰასანი“ გაზეთ „ივერი-

აში“ გამოქვეყნდა. მისი ნაწარმოებებია აგრეთვე „ომის ღმერთი“, „ბედნიერებას სიხარბით ვერ მოიპოვებ“, „მზარეული ივანე“, „მომშორდი წყეულო ბუზო“, „მსურს წმინდა ილიას ნახვა“ და სხვ. აღნიშნულ ნაწარმოებებში იგი გვიხატავს მშრომელი ადამიანების ყოფა-ცხოვრებას, ადამიანთა სიხარბეს, გაუტანლობას და სხვა. ასათიანი ღრმად მოხუცებული გარდაიცვალა 1942 წელს.

პროფესორი ელიზბარ ნითლანაძე

ელიზბარ სიმონის ძე ნითლანაძე დაიბადა 1912 წელს

ასპინძის რაიონის სოფელ საროში. სწავლობდა ბორჯომში. დაამთავრა თბილისის სახელმწიფო უნივერსიტეტის ფიზიკა-მათემატიკის ფაკულტეტი. საკანდიდატო დისერტაციის დაცვის შემდეგ, 1937 წელს მუშაობას იწყებს ამავე უნივერსიტეტში დოცენტად, პარალელურად ლექციებს კითხულობს საქართველოს პოლიტექნიკურ ინსტიტუტში. სხვადასხვა დროს იყო ამავე უნივერსიტეტის პრორექტორი და უსწრებელი სწავლების დარგში, საქართველოს რკინიგზის ტრანსპორტის ინჟინერთა ინსტიტუტის უმაღლესი მათემატიკის კათედრის გამგე. 1955 წლიდან გარდაცვალებამდე მუშაობდა თბილისის სახელმწიფო უნივერსიტეტის ფიზიკის ფაკულტეტის კათედრის ნითლანაძე ნაყოფიერ

მეცნიერულ მუშაობას ეწეოდა მათემატიკის ისეთ მნიშვნელოვან დარგში, როგორცაა არასწრაფი ფუნქციონალური ანალიზი. ამ დარგში მის კალამს ეკუთვნის 20-მდე სამეცნიერო ნაშრომი, აგრეთვე იგი მათემატიკური ანალიზის კურსის სამტომეულის ავტორი და თანაავტორია. პროფესორი ელიზბარ ნითლანაძე იყო თბილისის სახელმწიფო უნივერსიტეტის დიდი სამეცნიერო საბჭოს წევრი. სხვადასხვა დროს შედიოდა არაზამთის სახელობის მათემატიკის, საქართველოს რკინიგზის ტრანსპორტის ინსტიტუტებისა და სხვა დაწესებულებების სამეცნიერო საბჭოების შემადგენლობაში. დიდი მეგობრობა აკავშირებდა აკადემიკოსებთან – ნ.მუსხელიშვილთან, ვ.კუპრაძესთან და სხვა გამოჩენილ მეცნიერებთან.

საუკუნის გადასახედიდან

კაფეების და რესტორნების დახურვა

მთავრობამ მოისმინა მოხსენება კლუბების და რესტორნების დახურვის შესახებ და დაადგინა:

- 1) დაიხუროს კაფე შანტანები და კლუბები, რომელთაც გართობის ხასიათი აქვთ. აგრეთვე დაიხუროს ის რესტორნები, რომელსაც კაბინეტები აქვს და სხვა ამგვარი დაწესებულებები.
- 2) დაწესდეს რესტორნებისა, სასადილოებისა და სამიკიტნოების ვაჭრობა საღამოს 10 საათამდე ახალი დროით.
- 3) სასტიკათ განისაზღვროს სამიკიტნოებისა და ყავახანების რიცხვი.

4) აიკრძალოს ყოველგვარი ტკბილეულობის კეთება გარდა შაქრისა, შაქარყინულისა, მონპასიესი, „სუხარებისა“ და ბულეებისა.

5) მცხოვრებთა სიმშვიდის დასაცავად აიკრძალოს კერძო ბინებზე ქეიფი და ყოველგვარი მხიარულება, რომელიც მეზობლის მყუდროებას არღვევს. პირველი მუხლის დამრღვევნი დაისჯებიან ოთხი თვით დაპატიმრებით ან 100 000 მანეთის ჯარიმის გადახდევინებით. მხოლოდ მეხუთე მუხლის დამრღვევნი კი დაპატიმრებულ იქნებიან

ორი თვით და ან დაჯარიმებული 10 000 მანეთით. აქედან შემოსული ფული გადაეცემა შრომის სამინისტროს სოციალური დახმარების აღმოსაჩენად. დადგენილების შესრულება ევალება შინაგან საქმეთა სამინისტროს.

რესპუბლიკა-100-ის შენიშვნა: 1920 წლის შემოდგომაზე საქართველოში გაიზარდა შავი ჭირისა და ქოლერის გავრცელების მასშტაბი, ამასთანავე საბჭოთა რუსეთის მიერ აზერბაიჯანის ოკუპაციის შემდეგ ქვეყანაში გაჩნდა სათბობი რე-

სურსების ნაკლებობა. ამ მიზეზთა გამო მთავრობას მოუწია შეზღუდვების დაწესება, ერთი მხრივ ეპიდემიის გავრცელების შესაჩერებლად, მეორეს მხრივ კი ღამის გასართობი დაწესებულებების დახურვით სათბობი რესურსების დაზოგვისათვის. ნახეთ ასევე ჩვენი ჩანახატი პირველი რესპუბლიკის დროინდელი თბილისის შესანიშნავ კაფე-რესტორნებზე:

გაზ. „საქართველოს რესპუბლიკა“, 1920 წლის 31 ოქტომბერი, N248

კოვიდ-19

უკვე 10 თვეა, რაც მიმდინარეობს კაცობრიობის ბრძოლა კორონავირუსის აქამდე უცნობი შტამით განპირობებული ინფექციის COVID-19 (SARSCOV-2) გამომწვევთან, რომელმაც არა მხოლოდ ჩვენი ქვეყნის, არამედ მთელი მსოფლიოს ნორმალური ფუნქციონირება შეაჩერა.


ვირუსი პირველად გასული წლის დეკემბერში გაჩნდა ჩინეთის ქალაქ უჰანში. მანამდე კორონავირუსების სხვა შტამებმა ორი მძლავრი ეპიდემიის დასაწყისი (2003 და 2012 წლებში) განაპირობა სარსისა და მერსის სახით, თუმცა, ჩვენთვის ცნობილია რესპირატორული ინფექციების ჯგუფი, როლებსაც აქამდე ცნობილი კორონავირუსები იწვევს და მსუბუქი მიმდინარეობით ხასიათდება.

ზოგადად, ცნობილია, რომ კორონავირუსები ძირითადად ცხოველებში ცირკულირებენ. სხვადასხვა ფაქტორის გავლენით, ამ ვირუსებს შეუძლიათ ადამიანებშიც გადავიდნენ. ასეთი ერთ-ერთი ფაქტორია ვირუსის მუტაციის პროცესი და ადამიანების ინტენსიური კონტაქტი ცხოველებთან. ამ მხრივ, კოვიდ-19 ის შესახებ დაზუსტებული ცნობები ჯერჯერობით არ არსებობს.

ამ ეტაპზე მიჩნეულია, რომ ეს ვირუსი გადაეცემა წვეთოვანი და კონტაქტური გზით – ცხვირის, პირის და თვალის არეში დაინფიცირებული ადამიანის სველის ან ცემინების (ან საუბრის) დროს გამოფრქვეული სხელების (აეროზოლის) მოხვედრა მნიშვნელოვნად ზრდის გადასაღებლობას და ვირუსის გავრცელების რისკს.

დაავადების სიმპტომებია: ცხელება, ხველა, სუნთქვის გაძნელება, სუნისა და გემოს შეგრძნების დაკარგვა და სხვა, შესაძლოა განვითარდეს ისეთი გართულებები, როგორცაა პნევმონია, ე.წ.

„დისტრეს სინდრომი“, რამაც შესაძლოა სიცოცხლესთან შეუთავსებელი ცვლილებები გამოიწვიოს. თუმცა, აქამდე გამოვლენილი შემთხვევების 80-85 პროცენტი მსუბუქად გამოხატული სიმპტომებით მიმდინარეობს, არის ასევე ასიმპტომური მიმდინარეობაც.



მეზობელი მიმდინარეობს, არის ასევე ასიმპტომური მიმდინარეობაც.

კოვიდ-19-ის დიაგნოსტიკა ხდება პოლიმერაზული ჯაჭვური რეაქციის მეტოდიტ მოლეკულური ლაბორატორიის დახმარებით და საკმარისი ვალიდურობით გამოიწვევა. ამავე დროს, შესაძლებელია დიაგნოსტიკა სწრაფი ანტიგენ-ტესტების საშუალებითაც. ამ უკანასკნელის გამოყენება განსაკუთრებით მნიშვნელოვანია ამ ეტაპიდან, როცა სეზონური ვირუსების ცირკულირება იწყება გარემოში.

რაც შეეხება მკურნალობას, ამ ვირუსის საწინააღმდეგო ეტიოტოპული

პრეპარატი ჯერ არ არსებობს. დღეს მკურნალობა ხდება გამოვლენილი სიმპტომების შესაბამისად.

რაც შეეხება ვაქცინას, ის შემუშავების და გამოცდის პროცესშია.

ინფიცირებისაგან პრევენციის საუკეთესო საშუალებად ჯანდაცვის მსოფლიო ორგანიზაციის მიერ დღეს მონოდებულია სამედიცინო ნიღბის გამოყენება დახურულ სივრცესა და გარეთ, თავშეყრის ადგილებში, დისტანციის დაცვა (როგორც ფიზიკური, ისე სოციალური) და ხელის ჰიგიენა – წყლითა და საპნით საფუძვლიანი დაბანა და სადეზინფექციო ხსნარების გამოყენება, როცა ამის დრო და საშუალება არ არის. დაკვირვებებმა აჩვენეს, რომ აცივებასთან ერთად შემთხვევითა რაოდენობაც მატულობს. მოსალოდნელია რესპირატორული ვირუსების და გრიპის

სეზონზე რომ არ მოხვდეს თანხვედრა კორონავირუსთან, კარგი შესაძლებლობა არის გრიპის საწინააღმდეგო ვაქცინაციის ჩატარება. ჩვენ უკვე დაწყებული გვაქვს აცრები და, პირველ ეტაპზე აიცრა (მინისტრის ბრძანებით) განსაზღვრული რისკ ჯგუფები. ეს გახლავთ ორსულები და ბალის აღმზრდელ-პერსონალი. სულ ახლახან მივიღეთ მომდევნო პარტია ვაქცინის და უკვე აიცრება სამედიცინო პერსონალი, ქრონიკული დაავადების (დიაბეტი, ფქოდი და ა.შ.) მქონე პირები, შემდეგ სხვა მცირე რისკ ჯგუფები.

დღეის მონაცემებით, ჩვენს მუნიციპალიტეტში ასეთი სტატისტიკაა:

- დადასტურებული შემთხვევების რაოდენობა - 32;
- გამოჯანმრთელებული - 4;
- გარდაცვალება - 1;
- ბინაზე მკურნალობს - 14 პაციენტი;
- სტაციონარში - 11;
- თვითიზოლაციაშია - 84 პირი.

ეპიდემიოლოგიური სიტუაციის გამწვავების ფონზე საზოგადოებაში უფრო მნიშვნელოვანი გახდა ნიღბის გამოყენების კულტურა, თუმცა, მისი ტარების აუცილებლობა და სწორად მორგების ნესი ჯერ კიდევ არ არის ადამიანებისთვის ამ ეტაპზე აუცილებელი პრინციპი. ფაქტი კი ის არის, რომ ნიღბი ნამდვილად იცავს. ამიტომ მანდატორულად თუ დადგება ეს საკითხი, ინფექციის გავრცელება საკმარისად შეიზღუდება, რა თქმა უნდა, დისტანციასა და ხელის ჰიგიენასთან ერთად.

მზია პაპაშვილი,
აიპ ასპინძის საზოგადოებრივი
ჯანმრთელობის დაცვის მუნიციპალური
ცენტრის დირექტორი.
31 ოქტომბერი, 2020 წელი

„ლიქსო, არ დაიქარავი!“

წარსულის ფურცლები



სოფელ ოშორის სიმღერის ანსამბლი. 1967 წელი. სურათი მოგვანოდა გულნაზი ბელაშვილმა

სპორტი

ასპინძელებმა გაიმარჯვეს



ასპინძის ცენტრალურ სტადიონზე, «მასტერ ლიგა 2020»-ის ფარგლებში 7X7-ზე ფეხბურთის სამოყვარულო ჩემპიონატის მუნიციპალური თამაშების ნახევარფინალური შეხვედრები გაიმართა.

ნახევარფინალში ერთმანეთს სოფელ ივერიის და მირაშხნის გუნდები დაუპირისპირდნენ.

შეხვედრა დასრულდა ანგარიშით 4:2, ივერიის გუნდის სასარგებლოდ.

მეორე თამაშში ერთმანეთს ასპინძისა და სოფელ ძველის გუნდები შეხვედნენ, სადაც ანგარიშით 2:1 ასპინძის გუნდის სასარგებლოდ დამთავრდა.

ახლახან ფინალურ თამაშზე ერთმანეთს ასპინძისა და სოფელ ივერიის მოყვარული ფეხბურთელები გუნდები შეხვედნენ და გამარჯვება ასპინძის გუნდმა მოიპოვა.

თამაშებს ორგანიზებას საქართველოს „7X7“-ზე ფეხბურთის ასოციაცია და ასპინძის მუნიციპალიტეტის მერიის კულტურის სამსახური უწევს.

აღნიშნულ ტურნირის ესწრებოდნენ ასპინძის მუნიციპალიტეტის კულტურის სამსახურის უფროსი ოთარ ცინაძე და „7X7“-ზე ფეხბურთის ასოციაციის ვიცე პრეზიდენტი ლაშა ჭიქივილი.



ინფორმაციები მოგვანოდა ასპინძის მერიის ადმინისტრაციული სამსახურის საორგანიზაციო განყოფილების უფროსმა ეკა კალაიჯიშვილმა

ჩემო კარგო, შენ ხარ ქვეყნის მშვენიერა, გულის, სულის, დამშვიდება, შენება, რომ არ მყავდე, ნეტავ რა მშვენიერება, ვარსკვლავები ხომ დაკარგავს მშვენიერებას, მზე და მთვარეც ერთად ჩაესვენება.

ჩემი საქმე სულ უკულმა წავიდა, სხვა სიყვარულს ვეღარ ვინყებ თავიდან. ყველაფერი უკუნეთში წავიდა, მითხარ რამე, რომ დავინყო თავიდან.

ერთხელ ის დილაც გათენდება, ჩემთვის რომ აღარ გათენდება, ეს გულიც მაშინ გაჩერდება, საათიც კედელზე გაჩერდება და სული სხეულს რომ გამორდება.

ისე მიგლოვებ, ყველა გაკვირდება, შენი ცოდვით ქვაც კი ატირდება, წლამდე ლანჯზე ცრემლი დაგდინდება, მაშინ შავი კაბა დაგჭირდება.

მერე ეგ მანდილიც გახუნდება, ერთხელაც იქნება განვიმდება, ალბათ სხვა პატრონი დაგჭირდება, ძველი ღიმილი რომ დაბრუნდება.

შენი გული სხვის გულს დასჭირდება, შენიც – იმ გულს დაპირდება, ჩემთან მოსვლა აღარ დაგჭირდება, იცოდე, ღმერთი მუდამ გაკვირდება.

იცი, როგორ მიყვარს მე ეგ დაღალი, მინდა ეგ გული იყოს ჩემსკენ მავალი. ჩემი გული სულ იქნება შენთვის ალალი, შენს ლოდინში სულს თუ დავლევ, ცრემლი მაინც გაიმეტე წმინდა, ალალი.

ხომ ხედავ რომ შორი გზა გვაქვს ძნელად სავალი, სანატრელი გაგვიხდება მზე ჩამავალი. დარდები მაქვს მწველზე მწველი ისე მრავალი, ეს სიცოცხლე ხანმოკლეა და წარმავალი.

ნეტავ ქვეყნად სამართალი რატომ არ არის.

მე მიყვარხარ, შენგან ტანჯვას განვიცდი, შენ თუ მაინც გენატრები – არ ვიცი. გული გელის, მითხარ, განა არ იცი? მოდი ჩემთან, უსასრულოდ დაგიცდი. შენთან ყოფნას მე ვერავინ დამიშლის.

ჩემს ეზოსთან გაიარე – დამტკნარ გულმაც იხარა, გამხმარ ჯირკმაც დაგინახა ყლორტი ამოიყარა.

ცაზე ცვარი აწვლიანდა, წვეთ-წვეთ ჩამოიღვარა, ჩემს მაგივრად მოგეფერა, – ჯავრი ამოიყარა.

გოგოვ, ისე ლამაზი ხარ, ამითირე გიტარა, შენმა გულმა ეს სიმები სულ გულში გამიყარა.

მერე არც კი შემიბრაღა, თვალს თვალს გამიყარა, მერე ვითომ არაფერი, ახლოს არ გამიკარა.

ეგ თმები გაქვს ოქროსფერი, დაღალები როგორ გშვენის, თვალები გაქვს თაფლისფერი და გიხდება ყველაფერი.

მიყვარს შენი ალისფერი გადმოშლილი თმების ფერი, შენი სახის ვარდის ფერი, შენი თვალ-წამამის ფერი.

დე, ეს გული იყოს შენი, ეგ გული კი მხოლოდ ჩემი, მე ხომ მუდამ შენთვის ვმღერე, მოდი ჩემთან, მომე ხელი.

მიყვარს მე სიცოცხლე შენი, შენ ხარ ჩემი გულის მკვლელი, ცხოვრებაში იმას ველი, დაგიკოცნო ბაგე მწველი.

ავტორ-მთქმელი
გეზევა პიპილაშვილი,
63 წლის, სოფელი იდუმალა

წიგნის მოყვარულთათვის!

ასპინძის მთავარი ბიბლიოთეკამ შეიძინა შემდეგი დასახელების ახალი წიგნები:

ალბერტ ენგელი ი. – „ორსულობა და მშობიარობა“;
ალექსიძე მ. – „მდუმარების მეჯლისი“;
ამირეჯიბი მ. – „მე და ჩემი წილი მამა“;
ამირეჯიბი ჭ. – „დათა თუთაშხია“;
ანთაძე ი. – „პირველად იყო ლაქა“;
ბაბლუანი თ. – „მზე, მთვარე და პურის ყანა“;
ბაკმანი ქ. – „კაცი სახელად უვე“;
ბებურიშვილი ლ. – „ვაჟა ფშაველა 156 ამბავი“;
ბურჭულაძე მ. – „უფროსი ძმა სხვის ტყავში“;
ბურჭულაძე მ. – „ერთი მამის შვილები“;
ბურჭულაძე მ. – „ემიგრანტის სამაჯური“;
ბურჭულაძე მ. – „ბედნიერი ოჯახის საიდუმლო ბოთლში“;
ბურჭულაძე მ. – „თევზთა დუმული, თობთამიშვილის მახვილი“;
„გამომწვევადელი ისტორია“;
გარი რ. – „დაპირება განთიადისას“;
გიუნდაი პ. – „დასაბამიდან დასასრულამდე“;
გიუნდაი პ. – „მალაფა“;
გოგრიჭიანი ვ. – „ლანდების ლხინი“;
ეკერტი პ. – „დინამიური საუბრის ხელოვნება“;
ვარგასი ფ. – „წადი სწრაფად, დაბრუნდი გვიან“;
ვარგასი ფ. – „ლურჯი წრები“;
ველიფი თ. – „დაკარგული ბიჭი“;
ველიფი თ. – „მოხედე შენს სახლს ანგელოზო“;
კეკელიძე მ. – „ჯვარცმული ქვეყანა“;
კლავინი ე. – „გოგონები; კორძაია-სამადაშვილი ა. – „ვინ მოკლა ჩაიკა?“;
კორძაია-სამადაშვილი ა. – „ზინკა ადამიანი“;
კორძაია-სამადაშვილი ა. – „მე მარგარიტა“;
კოტეტიშვილი ვ. – „ჩემი წუთისოფელი“;
ლაგერკრანცი დ. – „გოგონა, რომელიც სამაგიეროს ყველას უხდის“;
ლეისონი ლ. – „ხის ყუთზე შემდგარი ბიჭი“;
„მასპინძელი საქართველო“;
ოჩიაური გ. – „ხევსურული მოთხრობები“;
პრუსტი მ. – „სოდომი და გომორი“;
„პორფირე თერიონის ვარდი“;
„როგორ ავიცილოთ სოკოთი მონამვლა“;
„როგორ დავაყენოთ ქვევრის ღვინო“;
„სოლომანაშვილი ბ. – „ამბავი ძველი დახვერტილებისა და ამბავი ახალი დახვერტილებისა“;
ტურგენევი ი. – „პირველი სიყვარული, ზაფხულის მღელვარე ნაკადები“;
ტურაშვილი დ. – „სელიმის პროცესი“;
ფანჯიკიძე ნ. – „შიშო გამოდი გარეთ“;
„ქართველთა გამუსლიმანება“;
ჭარვიცი ა. – „მოკვდი სიყვარულო“;
ფროლოდ ზ. – „მასების ფსიქოლოგია და ეგოს ანალიზი“;
ხალილ ჯიბრანი ჯ. – „იესო ძე კაცი-სა წინასწარმეტყველი“.

ასპინძის მთავარი ბიბლიოთეკის საინფორმაციო განყოფილება

რედკოლეგია